

Malifalensi a Kabuku ka Msonkhano wa Utumiki Komanso Moyo Wathu Wachikhristu

JANUARY 2-8

**CHUMA CHOPEZEKA M'MAWU A MULU-
NGU | 2 MAFUMU 22-23**

**"N'chifukwa Chiyani Kudzichepetsa
N'kwabwino?"**

w00 9/15 29-30

**Yosiya Wodzichepetsayo Anayanjidwa Ndi
Yehova**

Kuchokera m'mamawa, okonza kachisi amenewa akugwira ntchito mwakhama. Ndithudi Yosiya akuthokoza Yehova kuti ogwira ntchito akukonza mbali za nyumba ya Mulungu zimene makolo ake ena oipa anawononga. Ntchito ili m'kat, Safani akubwera kudzamu- uza zina zake. Nanga chimene wanyamulacho n'chiyani? Wanyamula mpukutu! Akufotokoza kuti Hilikiya Mkulu wa Ansembe wapeza "buku la chilamulo la Yehova mwa dzanja la Mose." (2 Mbiri 34:12-18) Limene anapezalo mosaka- yikira linali buku lenileni la Chilamulo.

Yosiya akufunitsitsa kumva mawu onse a bukulo. Pamene Safani akuwerenga, mfu- muyo ikuyesetsa kuona mmene lamulo lililonse likugwirira ntchito kwa iye ndi kwa anthu ake. Makamaka akukondwera ndi mmene bukulo likufotokozena kwambiri za kulambira konna ndi kuneneratu za miliri ndi kuchotsedwa m'dziko zimene zingadze ngati anthu addzilowetsa m'chipembedzo chonye- nga. Podziwa tsopano kuti malamulo ena a Mulungu sanatsatiridwe, Yosiya akung'amba chovala chake nalamula Hilikiya, Safani, ndi ena kuti: 'Funsirani kwa Yehova za mawu a buku ili; pakuti mkwiyo wa Yehova woti- yakira ife ndi waukulu; popeza atate athu sanamvera mawu a buku ili.'—2 Mafumu 22: 11-13; 2 Mbiri 34:19-21.

w00 9/15 30 ¶2

**Yosiya Wodzichepetsayo Anayanjidwa Ndi
Yehova**

Amithenga a Yosiya apita kwa Hulida mne- neri wamkazi ku Yerusalemu ndipo abwerako ndi mawu. Hulida wawauza mawu a Yehova, kunena kuti masoka amene analembedwa m'buku limene langopezedwa kumenelo adzagweradi mtundu wopandukawo. Komabe, chifukwa cha kudzichepetsa kwake pamaso pa Yehova Mulungu, Yosiya sadza- ona masokawo. Adzam'sonkhanitsa kukhala ndi makolo ake ndipo adzatengedwa alowe m'manda mwake mwamtendere.—2 Mafumu 22:14-20; 2 Mbiri 34:22-28.

Mfundu Zothandiza

w01 4/15 26 ¶3-4

**Mungachite Moyenera Ngakhale Sanakule-
reni Bwino**

Ngakhale kuti panachitika zoipa panthawi ya ubwana wake, Yosiya anachita zoyenera pamaso pa Yehova. Ulamuliro wake unali wopambana ndipo Baibulo limati: "Asana- badwe iye panalibe mfumu [y]olingana naye, imene inatembenukira kwa Yehova ndi mtima wake wonse, ndi moyo wake wo- nse, ndi mphamvu yake yonse, monga mwa chilamulo chonse cha Mose; atafa iyeyu sa- naukanso wina wolingana naye."—2 Mafumu 23:19-25.

Zimene Yosiya anachita n'chitsanzo choli- mbikitsa kwa amene anakumana ndi zoipa paubwana wawo. Kodi chitsanzo chimenechi chingatiphunzitse chiyani? N'chiyani china- thandiza Yosiya kusankha njira yoyenera ndi kuitirizabe kuitsatira?

JANUARY 9-15

CHUMA CHOPEZEKA M'MAWU A MULU-NGU | 2 MAFUMU 24-25

"Musamaiwale Kuti Muli mu Nthawi Yamapeto"

w01 2/15 12 ¶2

Tsiku la Yehova Lopereka Chiweruzo Lay-ndikira!

² Mosakayikira, kulosera kwa Zefaniya kunachititsa Yosiya wachinyamatayo kuzindikira kwambiri za kufunka kochotsa kulambira konyansa m'dziko la Yuda. Komabe, zimene mfumu inachita poyesetsa kufafaniza chipembedzo chonyenga m'dzikolo sizinathetse kuipa konse pakati pa anthuwo kapena kufafaniza machimo a agogo ake aamuna, Mfumu Manase, amene "anadzaza Yerusalemu ndi mwazi wosachimwa." (2 Mafumu 24:3, 4; 2 Mbiri 34:3) Chotero, tsiku la Yehova lopereka chiweruzo linali kudzafika ndithu.

w07 3/15 11 ¶10

Mfundu Zazikulu za M'buku la Yeremiya

Chaka cha 607 B.C.E., chinali chaka cha 11 mu ulamuliro wa mfumu Zedekiya. Ndipo mfumu ya ku Babulo, Nebukadinezara inali itazinga Yerusalemu kwa miyezi 18 tsopano. Patsiku la 7 la mwezi wachisanu, m'chaka cha 19 cha ulamuliro wa Nebukadinezara, mkulu wa asilikali oteteza mfumu dzina lake Nebuzaradani, "anadza," kape-na kuti anafika ku Yerusalemu. (2 Mafumu 25:8) Mwina Nebuzaradani ankachokera ku misasa imene anamanga kunja kwa mpanda wa Yerusalemu, n'kumakazonda mzindawo kuti adziwe mmene angaugonjetsere. Pantangopita masiku atatu okha, patsiku la khumi la mweziwu, Nebuzaradani "anadza,"

kapena kuti analowa mu Yerusalemu, ndipo anatentha mzindawu ndi moto.—Yeremiya 52:12, 13.

Mfundu Zothandiza

w05 8/1 12 ¶1

Mfundu Zazikulu za M'buku la Mafumu Wa-chiwiri

24:3, 4. Chifukwa choti Manase anali ndi mlandu wopha anthu, Yehova "sanafuna kuhululukira" Yuda. Mulungu amaona kuti mwazi wa anthu osalakwa n'ngofunika. Tisamakayikire m'pang'ono pomwe kuti Yehova adzabwezera anthu okhetsa mwazi wosalakwa powawononga.—Salmo 37:9-11; 145:20.

JANUARY 16-22

CHUMA CHOPEZEKA M'MAWU A MULU-NGU | 1 MBIRI 1-3

"Baibulo Ndi Buku Limene Limanena Zonna"

w09 9/1 14 ¶1

Kodi Adamu ndi Hava Analu Anthu Enieni?

Mwachitsanzo, onani ndandanda ya makolo achiyuda otchulidwa m'Baibulo m'buku la 1 Mbiri chaputala 1 mpaka 9, ndiponso Uthe-nega Wabwino wa Luka chaputala 3. Buku la 1 Mbiri limatchula mwatsatanetsatane makolo a mibadwo 48 ndipo Luka amatchula makolo a mibadwo 75. Buku la Luka limatchula m'badwo wa makolo a Yesu Khristu, pomwe buku la 1 Mbiri limatchula mibadwo ya ansembe a mtundu wa Israeli. Mabuku onsewa amatchula maina a anthu odziwika bwino monga Solomo, Davide, Yakobo, Isa-ke, Abulahamu ndi Nowa ndipo pomalizira pake amatchula Adamu. Maina onse a m'mabuku amenewa ndi a anthu *enieni*, ndipo

Adamu anali munthu *weniweni* pa m'nda-ndanda uliwonse.

w08 6/1 3 ¶4

Chigumula cha Nowa Chinachitikadi Kape-na Ndi Nthano?

Nkhani ziwiri za m'Baibulo zotchula mze-ra wobadwira wa anthu, zimasonyeza kuti Nowa anali munthu weniweni. (1 Mbiri 1:4; Luka 3:36) Ezara ndi Luka, amene analemba nkhanzi zimenezi anali anthu odziwa kufufu-za bwino nkhanzi. Luka anaafufuza ndi kupeza kuti Nowa anali m'gulu la makolo a Yesu Khristu.

w09 9/1 14-15

Kodi Adamu ndi Hava Analu Anthu Enieni?

Mwachitsanzo, taonani nkhanzi ya m'Baibulo yokhudza dipo imene anthu ambiri ope-mphera amaona kuti ndi yofunika kwambiri. Mawu akuti dipo amatanthauza kuti Yesu Khristu anapereka moyo wake wangwiyo monga nsembe yopulumutsa anthu ku uchi-mo. (Mateyo 20:28; Yohane 3:16) Monga tikudziwira, dipo ndi mtengo wokwani-ra kuwombolera kapena kugulanso chinthu chomwe chinatayika kapena kuwononge-dwa. N'chifukwa chake Baibulo limanena kuti Yesu ndi 'dipo lolingana.' (1 Timoteyo 2:6) Koma tingafunse kuti, kodi ndi dipo lolingana ndi chiyani? Baibulo limaya-nkha kuti: "Pakuti monga mwa Adamu onse akufa, momwemonso mwa Khristu onse adzapatsidwa moyo." (1 Akorinto 15:22) Moyo wangwiyo umene Yesu anapereka kuti awombole anthu omvera unali wolingana ndi moyo wangwiyo umene Adamu anata-ya pamene anachimwa m'munda wa Edene. (Aroma 5:12) Ndithudi, ngati Adamu sana-li munthu weniweni, ndiye kuti nsembe ya dipo imene Khristu anapereka ikanakhala yopanda tanthauzo.

Mfundu Zothandiza

it-1 911 ¶3-4

Mzere wa Mibadwo ya Makolo

Mayina a Akazi. Nthawi zina akazi anka-tchulidwa m'Baibulo ngati akufuna kuti asonyeze mbiri ya anthu pa nthawi inayake. Zimaoneka kuti Sarai (Sara) anatchulidwa pa Genesis 11:29, 30, chifukwa chakuti Mbewu yolonjezedwa inali kudzachokera mwa iyeyo, osati mwa mkazi wina wa Abulahamu. Milika ayenera kuti anatchulidwa pa vesili chifukwa chakuti anali agogo ake a Rabeka yemwe anali mkazi wa Isaki, zomwe zinasonyeza kuti Rabeka anali mumzera wa achibale ake a Abulahamu, chifukwa paja Isaki sankayenera kukwatira mkazi yemwe anali wa mtundu wina. (Ge 22:20-23; 24: 2-4) Pa Genesis 25:1, anatchulapo za mka-zzi wina wa Abulahamu dzina lake Ketura. Zimenezi zikusonyeza kuti Sara atamwali-ra, Abulahamu anakwatiranso ndipo anali adakali ndi mphamvu zoti akhoza kubereka ngakhale kuti pa nthawiyi panali patadutsa zaka zoposa 40 kuchokera pomwe Yehova anamupatsanso mphamvuzi. (Aro 4:19; Ge 24:67; 25:20) Zinasonyezanso ubale umene unalipo pakati pa Aisiraeli ndi Amidiyani komanso mafuko ena a Aluya.

Leya, Rakele komanso adzakazi a Yakobo anatchulidwa limodzi ndi ana awo. (Ge 35: 21-26) Zimenezi zimatithandiza kumvetsa mmene Mulungu anachitira zinthu ndi anawa patapita nthawi. Akazi enanso anatchulidwa m'Baibulo pa zifukwa zofananazi. Iwo ankatchulidwa mayina ngati anali oyenera kulandira cholowa. (Nu 26:33) Komabe Tamara, Rahabi, ndi Rute anali apadera. Akazi onsewa anachita chinachake chapadera chimene chinachititsa kuti akhale mumzere umene Mesiya, Yesu Khristu anabadwira. (Ge 38; Ru 1:3-5; 4:13-15; Mt 1:1-5) Malemba

ena amene amatchula mayina a akazi m'Babibulo ndi 1Mbiri 2:35, 48, 49; 3:1-3, 5.

JANUARY 23-29

CHUMA CHOPEZEKA M'MAWU A MULUNGU | 1 MBIRI 4-6

“Kodi Mapemphero Anga Amazonyeza Kuti Ndine Wotani?”

w10 10/1 23 ¶3-7

“Wakumva Pemphero”

Yabezi anali munthu wokonda kupemphera. Iye anayamba pemphero lake ndi kupempha madalitso kwa Mulungu. Kenako anapempha zinthu zitatu zimene zikusonyeza kuti iye anali ndi chikhulupiriro cholimba.

Poyamba, Yabezi anapempha Mulungu kuti: ‘Mukulitse dziko langa.’ (Vesi 10) Munthu wolemekezekayu sankalanda malo a anthu kapena kusirira zinthu za eni. N’kutheka kuti iye ankaganizira za anthu osati malo. Mwina ankapempha kuti dera lake likule mwamitdere n’cholinga choti mukhale anthu ambiri olambira Mulungu woona.

Chachiwiri, Yabezi anapempha kuti “dzanja” la Mulungu likhale naye. Mawu ophiphirtsu akuti dzanja la Mulungu amatanthauza mphamvu zimene Mulungu amagwiritsa ntchito pothandiza anthu amene amamulambira. (1 Mbiri 29:12) Kuti alandire zimene anapempha kuchokera pansi pa mtima, Yabezi anadalira Mulungu yemwe dzanja lake silifupika kwa anthu amene amamukhulupirira.—Yesaya 59:1.

Chachitatu, Yabezi anapemphera kuti: ‘Munditeteze ku tsoka, kuti lisandivulaze.’ Mawu akuti, ‘kuti lisandivulaze’ akusonyeza kuti Yabezi sanapemphe kuti asakumane ndi tsoka koma kuti asade nkhawa kwambiri ndi tsokalo kapena kugonja pokumana ndi zoipa.

Pemphero la Yabezi limasonyeza kuti iye ankaganizira kwambiri za kulambira koona ndipo ankakhulupirira ndi kudalira Wakumva pemphero. Kodi Yehova anamuyankha bwanji? Nkhani yachiduleyi imatha ndi mawu akuti: “Choncho Mulungu anakwaniritsa zime iye anapempha.”

Mfundzo Zothandiza

w05 10/1 9 ¶7

Mfundzo Zazikulu za M’buku Loyamba la Mbiri

5:10, 18-22. M’masiku a Mfumu Sauli, mafuko amene anali kum’mawa kwa Yordano anagonjetsa Ahagiri ngakhale kuti chiwerengero cha Ahagiri chinali chochuluka kuwirikiza kawiri pochiyerekeza ndi cha mafukowa. Izi zinali choncho chifukwa chakuti amuna amphamu a mafuko amenewa analalira Yehova kuwathandiza. Tiyeni tidalire Yehova ndi mtima wonse pamene tikupitiriza kumenya nkhondo yauzimu ndi adani omwe ali ochuluka kutiposa.—Aefeso 6: 10-17.

JANUARY 30-FEBRUARY 5

CHUMA CHOPEZEKA M'MAWU A MULUNGU | 1 MBIRI 7-9

“Yehova Angakuthandizeni Kuti Mukwanitse Kuchita Utumiki Wovuta”

w05 10/1 9 ¶8

Mfundzo Zazikulu za M’buku Loyamba la Mbiri

9:26, 27. Alevi oyang’anira zipata anali ndi udindo wofunika kwambiri. Iwo anapatsidwa makiyi otsegulira malo opatulika osiyanasiyana a pakachisi. Analı okhulupirika potsegula zipata tsiku lilihonse. Tapatsidwa udindo wofikira anthu m’gawo lathu ndi kuwathandiza kuyamba kupembedza Ye-

hova. Kodi sitiyenera kukhala odalirika ndi okhulupirika monga mmene Alevi oyang'ani-ra zipata anachitira?

w11 9/15 32 ¶7

Khalani Olimba Mtima Ngati Pinihasi

Pinihasi anali ndi udindo waukulu mu Isra-eli wakale koma anathana ndi mavuto bwinobwino chifukwa cha kulimba mtima, kumvetsa zinthu ndiponso kudalira Mulungu. Komanso zimene Pinihasi anachita posamalira mpingo wa Mulungu zinasanga-latsa kwambiri Yehova. Patapita zaka 1,000, Ezara anauziridwa kulemba kuti: "Pinihasi mwana wa Eleazara ndiye anali mtsogoleri wawo kalekale, ndipo Yehova anali naye." (1 Mbiri 9:20) Mawu amenewa ayeneranso kugwira ntchito kwa amene amatsogole-ra anthu a Mulungu masiku ano komanso Akhristu onse amene amatumikira Mulungu mokhulupirika.

Mfundu Zothandiza

w10 12/15 21 ¶6

Imbirani Yehova

⁶ Kudzera mwa aneneri ake, Yehova analamula kuti anthu amene amamulambira azimutamanda ndi nyimbo. Anthu oimba nyimbo ochokera m'fuko la ansembe sankaloedwa kugwira ntchito zina zimene Alevi ena ankagwira n'cholina choti akhale ndi nthawi yokwanira yokonza nyimbo n'kuyesa kuziimba.—1 Mbiri 9:33.

KUPHUNZITSA MWALUSO MU UTUMIKI

Nkhani

w21.06 3-4 ¶3-8

Muzithandiza Ophunzira Baibulo Kuti Abatizidwe

³ Wophunzira Baibulo asanabatizidwe, ayene-ra kumagwiritsa ntchito zimene amaphunzira.

(Werengani Mateyu 28:19, 20.) Akamachita zimenezi angafanane ndi "munthu wochenje-ra" wa m'fanizo la Yesu, yemwe anakumba kwambiri pansi kuti amange nyumba yake pathanthwe. (Mat. 7:24, 25; Luka 6:47, 48) Ndiye kodi tingathandize bwanji wophunzira Baibulo kuti azigwiritsa ntchito zimene akuphunzira. Tiyenि tikambirane zinthu zitatu zimene tingachite.

⁴ *Muzithandiza wophunzira wanu kuti azi-khala ndi zolina.* N'chifukwa chiyani tuyenera kuchita zimenezi? Taganizirani izi: Ngati mukuyenda pa ulendo wautali, mu-matha kuima pamalo ena osangalatsa kuti mupume. Zimenezo zingakuthandizeni kuti musaone katalika ulendowo. Mofanana ndi zimenezi, wophunzira Baibulo akamakhala ndi zolina zing'onozing'ono n'kumazikwani-ritsa angazindikire kuti akhoza kukwaniritsa cholina chake chofuna kubatizidwa. Mu-nagagwiritsa ntchito tizigawo takuti "Zolina" m'buku lakuti, *Mungakhale ndi Moyo Mpaka Kalekale* pothandiza wophunzira wanu. Pa mapeto pa phunziro lililonse, muzikambirana ndi wophunzirayo kugwirizana kumene kulipo pakati pa zolina zimene zatchulidwa ndi zimene waphunzira. Ngati mukuganizira zolina zina zimene mukufuna wophunzira wanu azikwaniritsa, mungalembe pa kagawo kakuti "Zina." Nthawi zambiri muzigwiritsa ntchito kagawo kameneka pokambirana ndi wophunzira wanu zolina zimene angazi-kwaniritsa kwa nthawi yochepa kapena kwa nthawi yaitali

⁵ *Muzithandiza wophunzira wanu kusintha zinthu pa moyo wake.* (Werengani Maliko 10:17-22.) Yesu ankadziwa kuti zikanakhala zovuta kuti munthu wina wolemera agulitse zinthu zake zonse. (Maliko 10:23) Komabe iye anamuua kuti achite zimenezi ngakhale kuti kunali kusintha kwakukulu pa moyo wake. Yesu anamuua izi chifukwa

ankamukonda kwambiri. Nthawi zina tingalephere kulimbikitsa wophunzira wathu kuti asinthe zinthu zina pa moyo wake poganiza kuti sanakonzeke kuchita zimenezi. Zingatenge nthawi yaitali kuti anthu ena asiye zimene anazolowera n'kuvala umunthu watsopano. (Akol. 3:9, 10) Koma mukakambirana naye mofulumira zinthu zimene afunika kusintha, wophunzirayo amayambanso kusintha mofulumira. Mukamakambirana naye nkhanzi ngati zimenezi mumasonyeza kuti mumamuganizira.—Sal. 141:5; Miy. 27:17.

⁶ N'zofunika kuti tizifunsa wophunzira wathu mafunso omuthandiza kufotokoza maganizo ake pa nkhanzi inayake. Muzifunsa mafunso oterewa kuti muzidziwa zimene wophunzira wanu amadziwa komanso kuhkulupirira. Mukamachita zimenezi kawirikawiri zidzakhala zosavuta kuti m'tsogolo mudzathe kumambirana naye nkhanzi zimene n'zovuta kuti azivomereze. Mu buku la *Mungakhale ndi Moyo Mpaka Kalekale*, muli mafunso ambiri angati amenewa. Mwachitsanzo, m'phunziro 04 muli funso lakuti: "Ndiye mukuona kuti Yehova amamva bwanji mukamagwiritsa ntchito dzina lake?" M'phunziro 09 muli funso lakuti: "Tchulani zinthu zina zimene mungakonde kupempherera." Poyamba wophunzira wanu angamatenge nthawi yaitali kuti ayankhe mafunso amenewa. Mungamuthandize kuti aziganiza pogwiritsa ntchito zithunzi komanso Malemba.

⁷ Wophunzira wanu akamvetsa zimene aynera kuchita, muzigwiritsa ntchito nkhanzi zofotokoza zimene zinachitikira anthu ena pomulimbikitsa kuti azichita zimene waphunzira. Mwachitsanzo, ngati wophunzira wanu zimamuvuta kupezeza pamisonkhano mungamuonetse vidiyo yakuti *Yehova Anandisamalira*, yomwe ili pa kagawo kakuti "Onani Zinanso," muphunziro 14. M'mitu yambiri m'buku lakuti *Mungakhale ndi Moyo*

Mpaka Kalekale, mungapeze zitsanzo za zimene zinachitikira anthu ena pa kagawo kakuti "Fufuzani Mozama," komanso kakuti "Onani Zinanso." Muzisamala kuti musamayerekezere wophunzira wanu ndi anthu ena pomuuza kuti, "Ngati uyu anakwanitsa ndiye kuti inunso mungakwanitse." Muzilola wophunzira wanu kuti aziona yekha zimenezo. Inuyo muzingokambirana naye mfundo zimene zinathandiza munthu amene watchulidwa muvidiyoyo. Mwina mungatchule lemba kapena zinthu zina zimene zinamuthandiza. Ndipo ngati n'zotheka muzifotokoza mmene Yehova anathandizira munthuyu.

⁸ Muzithandiza wophunzira wanu kuti aymbe kukonda Yehova. Kodi mungachite bwanji zimenezi? Mukamaphunzira naye muzyesetsa kupeza mipata yomuthandiza kudziwa makhalidwe a Yehova. Muzimuthandiza kuona kuti Yehova ndi Mulungu wachimwemwe amene amathandiza anthu omwe amamukonda. (1 Tim. 1:11; Aheb. 11:6) Muzimufotokoza kuti zinthu zingamuyendere bwino kwambiri akamagwiritsa ntchito zimene akuphunzirazo, ndipo muzimuza kuti umenewo ndi umboni woti Yehova amamukonda. (Yes. 48:17, 18) Wophunzirayo akamakonda kwambiri Yehova m'pamene angathe kusintha zinthu pa moyo wake.—1 Yoh. 5:3.

FEBRUARY 6-12

CHUMA CHOPEZEKA M'MAWU A MULUNGU | 1 MBIRI 10-12

"Muzikhala Wofunitsitsa Kuchita Zime-ne Mulungu Amafunu"

w12 11/15 6 ¶12-13

"Ndiphunzitseni Kuchita Chifuniro Chanu"

¹² Davide anapereka chitsanzo chabwino pa nkhanzi yofunitsitsa kutsatira mfundo za

m'Chilamulo. Mwachitsanzo, taganizirani zimene zinachitika Davide atanena kuti anka-funitsitsa kumwa "madzi a m'chitsime cha ku Betelehemu." Asilikali atatu a Davide anakalowa mwamphamvu mumzindawo, womwe pa nthawiyo unali utalandidwa ndi Afili-siti. Iwo anakatunga madzi m'chitsimecho n'kubwera nawo. Koma "Davide anakana kumwa madziwo. M'malomwake anawapereka kwa Yehova mwa kuwathira pansi." N'chifukwa chiyani sanamwe? Iye anafotokoza kuti: "Sindingachite zimenezo chifukwa ndi malemekeza Mulungu wanga. Kodi ndimwe magazi a anthuwa omwe anaika moyo wawo pachiswe? Iwowa akanataya moyo wawo pokatunga madziwa."—1 Mbiri 11:15-19.

¹³ Davide anadziwa kuti Chilamulo chimane-na kuti magazi sayenera kudyedwa koma kuperekedwa kwa Yehova. Iye ankadziwa kuti "moyo wa nyama [kapena munthu] uli m'magazi." Komatu Davide anakana madzi osati magazi. Ndiye anakaniranji? Iye anakana chifukwa ankadziwa mfundo ya m'lamlulolo. Davide ankaona kuti madziwo anali amte-ngo wapatali ngati magazi a amuna atatuwa. Choncho ankaona kuti n'kulakwa kwambiri kumwa madziwo. Chotero sanamwe koma anawathira pansi.—Lev. 17:11; Deut. 12: 23, 24.

w18.06 17 ¶5-6

Muziphunzitsa Chikumbumtima Chanu ndi Malamulo Komanso Mfundu za Mulungu

⁵ Kuti malamulo a Mulungu azitithandiza, tiyenera kuchita zambiri osati kungowawerenga n'kuwadziwa. Tiziwakonda kwambiri komanso kuwalemekeza. Paja Mawu a Mu-lungu amati: "Danani ndi choipa ndipo muzikonda chabwino." (Amosi 5:15) Koma kodi tingachite bwanji zimenezi? Chofunika ndi kuona zinthu mmene Yehova amaziona-ja. Tiyerekeze kuti muli ndi vuto losowa tulo.

Kenako dokotala akukuuzani kuti muzichita masewera olimbitsa thupi, muzidya zakudya zabwino komanso musinthe zinthu zina pa moyo wanu. Ndiyeno mutatsatira malangi-zowo mukuona kuti mwayamba kupeza tulo bwinobwino. Mukhoza kuthokoza kwambiri dokotalayo chifukwa chokuthandizani.

⁶ Nayenso Mlengi wathu watipatsa malamulo otithandiza kuti tikhale ndi moyo wabwino komanso tisamakumane ndi mavuto chifukwa cha uchimo. Tangoganzirani mmene timapindulira tikamatsatira malamulo a m'Baibulo pa nkhani ya kunama, chiwembu, kuba, chiwerewere, chiwawa ndiponso kuchita zamizimu. (**Werengani Miyambo 6:16-19**; Chiv. 21:8) Tikazindikira ubwino woyenda m'njira za Yehova, timayamba kumukonda kwambiri komanso kukonda malamulo ake.

Mfundu Zothandiza

it-1 1058 ¶5-6

Mtima

Kutumikira Ndi "**Mtima Wonse.**" Mtima we-niweni umafunika kukhala wathunthu kuti uzigwira bwino ntchito, koma mtima wo-phiphiritsa ukhoza kukhala wogawanika. Davide anapemphera kuti: "Ndipatseni **mtima wosagawanika** kuti ndiope dzina lanu," kusonyeza kuti mtima wa munthu ukhoza kukhala wogawanika chifukwa cha zimene umakonda komanso kuopa. (Sl 86:11) Munthu wotereyu akhoza kukhala ndi 'mitima iwiri' kapenango kukhala wofunda polambi-ra Mulungu. (Sl 119:113; Chv 3:16) Akhoza kumatumikira ambuye awiri kapena mwa-chinyengo kumanena zinthu zina pomwe akuganiza zinthu zina. (1Mb 12:33; Sl 12:2) Yesu anadzudzula mwamphamvu anthu achinyengo omwe amakhala ndi mitima iwi-ri.—Mt 15:7, 8.

Munthu amene akufuna kusangalatsa Mulu-ngu sayenera kukhala ndi mtima wogawanika kapena kuti mitima iwiri koma ayenera ku-mutumikira ndi mtima **wonse**. (1Mb 28:9) Zimenezitu zimafuna khama chifukwa mtima ndi wonyenga ndipo umafunitsitsa kuchita zoipa. (Yer 17:9, 10; Ge 8:21) Zinthu zime-ne zingatithandize kuti tizitumikira ndi mtima wonse ndi: kupemphera mochokera pansi pamtima (Sl 119:145; Mlr 3:41), kupunzira Mawu a Mulungu nthawi zonse (Eza 7:10; Miy 15:28), kugwira nawo mwakhama ntchito yolalikira uthenga wabwino (yerekezerani ndi Yer 20:9), komanso kuchita zinthu ndi anthu amene amatumikira Yehova ndi mtima wonse. —Yerekezerani ndi 2Mf 10:15, 16.

FEBRUARY 13-19

CHUMA CHOPEZEKA M'MAWU A MULU-NGU | 1 MBIRI 13-16

"Zinthu Zimatiyendera Bwino Tikama-tsatira Malangizo"

w03 5/1 10-11

Kodi Mumafunsa Kuti, "Ali Kuti Yehova?"

¹² Likasa la chipangano litabwerera ku Israyeli ndipo litakhala zaka zambiri ku Kiriyati-Yearimu, Mfumu Davide inafuna kusamutsira Likasalo ku Yerusalem. Anakambirana ndi akulu amene anali kutsoglera anthu ndipo anawauza kuti Likasa lisamutsidwa 'chikakomera iwo, ndipo chikachokera kwa Yehova.' Koma sanafufuze mokwanira kuti adziwe maganizo a Yehova pankhaniyi. Akanakhala kuti anachita zimenezo, sibwenzi atanyamuli-ra Likasalo pa galeta. Alevi Achikohati ndi ameneakananyamula pa mapewa pawo, monga momwe Mulungu analangizira momveka bwino. Ngakhale kuti Davide nthawi zonse ankafunsira kwa Yehova, analephera kuchita zimenezo moyenera panthawi imeneyi. Zotsa-

tira zake zinali zomvetsa chisoni zedi. Patapita nthawi Davide anavomereza kuti: "Yehova Mu-lungu wathu anachita chotipasula, popeza sitinam'funafuna lye monga mwa chiweruzo." —1 Mbiri 13:1-3; 15:11-13; Numeri 4:4-6, 15; 7:1-9.

w03 5/1 11 ¶13

Kodi Mumafunsa Kuti, "Ali Kuti Yehova?"

¹³ Tsopano Alevi atasamutsa Likasa ku Obe-di-Edomu kupita nalo ku Yerusalem, anthu anaimba nyimbo imene Davide analembia. Ena mwa mawu a m'nyimboyo anali mawu ochokera pansi pamtima owakumbutsa, akuti: "Funsirani kwa Yehova ndi mphamu yake; funani nkhopre yake nthawi zonse. Kumbukirani zodabwiza zake adazichita, zizindikiro zake, ndi maweruzo a pakamwa pake." —1 Mbiri 16:11, 12.

Mfundzo Zothandiza

w14 1/15 10 ¶14

Lambirani Yehova, Mfumu Yamuyaya

¹⁴ Davide anabweretsa ku Yerusalem likasa la pangano lomwe linali lopatulika. Pa nthawi yi anthu anasangalala kwambiri ndipo Alevi anaimba nyimbo yotamanda Mulu-nku. M'nyimboyo munali mawu amene ali pa 1 Mbiri 16:31 akuti: "Anene pakati pa anthu a mitundu ina kuti: 'Yehova wakhala mfumu!'" Apatu ena angadabwe kuti, 'Popeza Yehova ndi Mfumu yamuyaya, zikutheka bwanji kuti **anakhala** Mfumu pa nthawiyo?' Yehova **amakhala** Mfumu akachita zinthu zosonyeza kuti iye ndi amene akulamulira kapena akasankha wina kuti amuimire pa nthawi inayake kapena pothana ndi vuto linalake. Mfundzo imeneyi ingatithandize kumvetsa mfundzo zina zokhudza ulamuliro wake. Davide asanamwalire, Yehova anamu-lonjeza kuti ufumu wake sudzatha. Ananena kuti: "Ndidzautsa mbewu yako yobwera

pambuyo pako, imene idzatuluka m'chiuno mwako. Ndipo ndidzakhazikitsadi ufumu wake." (2 Sam. 7:12, 13) Ndiyeno mawuwa anadzakwanirtsidwa patadutsa zaka zoposa 1,000. Kodi ndani anadzakhala "mbewu yolonjezedwayo, nanga anayamba liti kulumira?

KUPHUNZITSA MWALUSO MU UTUMIKI

Nkhani

w16.01 13-14 ¶7-10

Tiziyamikira 'Mphatso Yaulere' Imene Mulu-ngu Anatipatsa

⁷ Choyamba, tiyenera kuchita zinthu zimene mtumwi Paulo ananena. Iye anati "chikondi chimene Khristu ali nacho chimatikakamiza" kuchita zimene Khristuyo angasangalale nazo. (Werengani 2 Akorinto 5:14, 15.) Paulo ankadziwa kuti munthu akamayamikira chikondi chimene Yesu anasonyeza, amayamba kukonda kwambiri Yesuyo. Tikanaganizira ndi kumvetsa bwino zimene Yehova anatichitira, timayamikira kwambiri chikondi chake. Komanso timafunitsitsa kukhala ndi moyo wogwirizana ndi zimene Yesu amafuna. Koma kodi tingasonyeze bwanji zimenezi?

⁸ Popeza timakonda Yehova, timayesetsa kutsatira chitsanzo cha Yesu mosamala kwambiri komanso kuchita zimene Mulungu ndi Khristu amafuna. (1 Pet. 2:21; 1 Yoh. 2:6) Yesu anati: "Amene ali ndi malamu-lo anga ndipo amawasunga, ameneyo ndiye amene amandikonda. Komanso wondikonda ine, Atate wanga adzamukondanso. Inenso ndidzamukonda ndipo ndidzadzionetsera bwinobwino kwa iye."—Yoh. 14:21; 1 Yoh. 5:3.

⁹ Nyengo ya Chikumbutso ndi nthawi yabwino kuganizira kwambiri zinthu zimene timachita. Tingadzifunse kuti: 'Kodi ndi

zinthu ziti zimene ndimachita bwino potsanzira Yesu? Nanga ndi zinthu ziti zimene ndiyenera kusintha?' Tiyenera kudzifunsa mafunso amenewa chifukwa nthawi zonse timakakamizidwa kutsatira zimene anthu a m'dzikoli amachita. (Aroma 12:2) Ngati sitingasamale, tikhoza kuyamba kutsatira anthu am'dzikoli amene amaoneka anzeru, otchuka kapena akatswiri amasewera. (Akol. 2:8; 1 Yoh. 2:15-17) Kodi tingapewe bwanji zimenezi?

¹⁰ Pa nyengo ya Chikumbutso tingachitensio bwino kuona zinthu zomwe tili nazo. Mwachitsanzo, tingaone bwinobwino zovala zathu ndiponso nyimbo ndi mafilimu amene tili nawo. Ndi bwinonso kuona zinthu zimene timasunga pakompyuta, pafoni kapena patabuleti yathu. Mukamayang'ana zovala zanu muzidzifunsa kuti: 'Zitakhala kuti Yesu alipo, kodi ndikhoza kucheza naye momasuka nditavala zovala zimenezi?' (**Werengani 1 Timoteyo 2:9, 10.**) 'Ndikavala zovala zimenezi, kodi anthu amazindikira kuti ndine wotsatira wa Yesu?' Pa nkhanzi ya mafilimu, nyimbo komanso zipangizo zamakono, tingadzifunsenso mafunso ngati awa: 'Kodi Yesu angaonere filimu kapena kumvera nyimbo imeneyi? Kodi ndikhoza kumubwereka foni kapena tabuleti yanga ndi kumulola kuti aone zimene ndinaikamo?' Ndipo ngati mumakonda masewera apakompyuta, mungadzifunsenso kuti: 'Kodi ndingavutike kufotokozerwa Yesu chifukwa chimene ndimakondera masewera amene-wa?' Ngati timakonda kwambiri Yehova, tidzataya chilichonse chimene Khristu sangasangalale nacho, ngakhale zitakhala kuti tinachigula modula. (Mac. 19:19, 20) Pame-ne tinkadziperekwa kwa Yehova tinamulonjeza kuti sitidzachitanso zofuna zathu koma za Mwana wake. Choncho sitienera kukakamira chilichonse chimene chingatilepheretse

kutsatira mosamala chitsanzo cha Yesu.
—Mat. 5:29, 30; Afil. 4:8.

FEBRUARY 20-26

CHUMA CHOPEZEKA M'MAWU A MULUNGU | 1 MBIRI 17-19

“Muzikhala Wosangalala Ngakhale Pamene Zinthu Sizikuyenda Bwino”

w06 7/15 19 ¶1

Ganizirani za Ubwino wa Gulu la Yehova

DAVIDE wa ku Israeli wakale ndi mmodzi mwa anthu odziwika kwambiri ofotokozedwa m'Malembe a Chiheberi. Munthuyu yemwe anali mbusa, woimba, mneneri ndi mfumu, ankakhulupirira kwambiri Yehova Mulungu. Ubwenzi wolimba umene Davide anali nawo ndi Yehova unam'limbikitsa kuhala ndi chikhumbo chofuna kumangira Mulungu nyumba. Nyumba kapena kachisi ameneyu anadzakhala likulu la kulambira koona m'Israyeli. Davide ankadziwa kuti kachisi ndiponso ntchito yomwe inkachitika pakachisipo idzabweretsa chimwemwe ndi madalitso kwa anthu a Mulungu. Motero, Davide anaimba kuti: “Wodala munthuyo [amene inu Yehova] mum'sankha, ndi kum'yandikizitsa, akhale m'mabwalo anu: Tidzakhuta nazo zokoma za m'nyumba yanu, za m'malo oyera a Kachisi wanu.” —Salmo 65:4.

w21.08 22-23 ¶11

Muzisangalala ndi Utumiki Wanu

¹¹ Mofanana ndi zimenezi, ifenso tingamasangalale kwambiri ngati titakhala **akhama** pa chilichonse chimene timachita potumikira Yehova. Nthawi zonse ‘tititanganidwa kwambiri’ ndi ntchito yolalikira ndipo tizidzipereka ndi mtima wonse pogwira ntchito zamumpingo. (Mac. 18:5; Aheb. 10:24, 25) Muzikonzeke-

ra bwino misonkhano n'cholinga choti muzikaperekwa ndemanga zolimbikitsa. Muzikonzeranso bwino mukapsidwa nkhanzi za ophunzira pamisonkhano ya m'kati mwa mlungu. Mukapemphedwa kuti mugwire ntchito inayake mumpingo, muzisunga nthawi komanso muzikhala odalirika. Musamaone kuti zimene mwapemphedwa n'zosafunika kapena kungotaya nthawi. Muzyesetsa kuwonjezera luso lanu. (Miy. 22:29) Mukamadzipereka kwambiri pa utumiki wanu, m'pamene-nso mumapita patsogolo mofulumira ndipo mumasangalala. (Agal. 6:4) Zimenezi zingakuthandizeniso kuti muzisangalala ndi ena akapatsidwa utumiki umene inuyo mumaulakalaka.—Aroma 12:15; Agal. 5:26.

Mfundu Zothandiza

w20.02 12, bokosi

Timakonda Kwambiri Atate Wathu Yehova

Kodi Yehova Amandiwerengera?

Kodi munayamba mwadzifunsapo kuti, ‘Pa anthu mabiliyoni ambiri padzikoli, kodi Yehova angandiwerengere ineyo?’ Ngati zili choncho, simuli nokha. Paja Mfumu Davide analemba kuti: “Inu Yehova, munthu ndani kuti mumuganizire? Kodi mwana wa munthu wochokera kufumbi ndani kuti mu-muwerengere?” (Sal. 144:3) Koma Davide sankakayikira kuti Yehova ankamudziwa bwino. (1 Mbiri 17:16-18) Yehova amagwirtsa ntchito Mawu ake komanso gulu lake potitsimikiziranso kuti amayamikira chikondi chimene timamusonyeza. Mawu a m'Baibulo otsatirawa angatithandize kuti tisamakayiki-re mfundo imeneyi.

- Yehova anakuonani ngakhale musanabade.—**Sal. 139:16.**
- Yehova amadziwa zimene zili mumtima mwanu komanso zimene mukuganiza.—**1 Mbiri 28:9.**

- Yehova amamvetsera pemphero lanu lili-lonse.—**Sal. 65:2.**
- Zochita zanu zimakhudza Yehova.—**Miy. 27:11.**
- Yehova wakukokani kuti mubwere kwa iye.—**Yoh. 6:44.**
- Yehova amakudziwani bwino kwambiri moti ngakhale mutafa sangadzavutike kukuukitsani. Iye adzapanganso thupi lanu n'kukuthandizani kuhala ndi maganizo komanso makhalidwe amene muli nawo. Mudzathanso kukumbukira zinthu zonse zmene mukuzidziwa panopa.—**Yoh. 11:21-26, 39-44; Mac. 24:15.**

FEBRUARY 27-MARCH 5

CHUMA CHOPEZEKA M'MAWU A MULU-NGU | 1 MBIRI 20-22

"Muzithandiza Achinyamata Kuti Azichita Zambiri"

w17.01 29 ¶8

'Zinthu Zimenezo Uzizophunzitsa kwa Anthu Okhulupirika'

⁸ **Werengani 1 Mbiri 22:5.** Davide akanatha kuganiza kuti Solomo wachepa nayo ntchitoyo. Pajatu kachisiyo anafunika kuhala 'wokongola ndiponso waulemerero wosane-neka.' Kuwonjezera pamenepo, Solomo anali adakali "wamng'ono komanso wosakhwima." Koma Davide ankadziwa kuti Yehova adzathandiza Solomo kuti agwire bwino ntchitoyo. Choncho Davide anangochita zmene akanatha ndipo anamuthandiza kunkzekera ntchito yaikuluyo.

w17.01 29 ¶7

'Zinthu Zimenezo Uzizophunzitsa kwa Anthu Okhulupirika'

⁷ Davide akanatha kukhumudwa kwambiri chifukwa choti ankafunitsitsa kumanga

kachisi wa Yehova. Koma anathandiza kwa-mbiri pokonzekera ntchito imene Solomo adzagwireyo. Anapeza zitsulo, mkuwa, sili-va, golide matabwa komanso anthu oti adzagwire ntchitoyo. Iyeyo sanadandaule kuti akapanda kumanga kachisiyo sadzatamandidwa. Ndipotu atamangidwa ankatchedwa kachisi wa Solomo. M'malommwake analimbikitsa Solomo kuti: "Tsopano mwana wanga, Yehova akhale nawe, ndipo zinthu zikuyendere bwino kuti umange nyumba ya Yehova Mulungu wako, monga mmene iye analankhulira za iwe."—1 Mbiri 22:11, 14-16.

w18.03 11-12 ¶14-15

Makolo, Kodi Mukuthandiza Ana Anu Kuti Ayenerere Kubatizedwa

¹⁴ Akulu mumpingo omwe ndi abusa, angathandize makolo akamalimbikitsa ana kuti akhale ndi zolina zauzimu. Mlongo wina amene anachita upainiya kwa zaka zoposa 70 ananena mmene M'bale Charles T. Russell anamulimbiksira iye ali ndi zaka 6 zokha. Mlongoyo anati: "M'baleyu anakambirana nane kwa maminitsi 15 zokhudza zolina zanga zauzimu." Apa n'zoonekeratu kuti mawu abwino komanso olimbikitsa angathandize anthu kwa nthawi yaitali. (Miy. 25:11) Akulu angapemphenso makolo ndi ana awo kuti azithandiza pa ntchito za pa Nyumba ya Ufumu. Angaperekere ntchito kwa ana mogwirizana ndi msinkhu komanso luso lawo.

¹⁵ Abale ndi alongo ena mumpingo angathandenzo makolo akamalimbikitsa ana awo. Kuti achite zimenezi, ayenera kuhala tcheru kuti aone zimene ana akuchita mumpingo. Mwachitsanzo, mwina mwana angaperekere ndemanga yochokera pansi pa mtima, kukamba nkhanu kapena kuchita chitsanzo pamisonkhano yampingo. Kapena

mwina wakhalabe wokhulupirika atakuma-na ndi mayesero kabenango walalikira kwa anzake kusukulu. Mukaona zimenezi musa-machedwe kuwayamikira ndi mtima wonse. Mungachitenso bwino kukhala ndi cholinga choti muzicheza ndi mwana mmodzi misonkhano isanayambe kapena itatha. Mukamachita zinthu ngati zimenezi, munga-thandize ana kuzindikira kuti ndi ofunika kwambiri mu “mpingo waukulu.”—Sal. 35:18.

Mfundzo Zothandiza

w05 10/1 11 ¶6

Mfundzo Zazikulu za M'buku Loyamba la Mbiri

21:13-15. Yehova analamula mngelo kuletsa mliri chifukwa chakuti lye amakhudzidwa kwambiri anthu Ake akamavutika. Ndithudi, “zifundo zake zichulukadi.”

KUPHUNZITSA MWALUSO MU UTUMIKI

Nkhani

w16.03 10-11 ¶10-15

Achinyamata, Kodi Mungakonzekere Bwanji Kubatizidwa

¹⁰ Baibulo limati: “Chikhulupiro pachokha, ngati chilibi ntchito zake, ndi chakufa.” (Yak. 2:17) Zimene mumachita zimasonyeza ngati chikhulupiro chanu ndi cholimba ka-pena ayi. Baibulo limanena kuti ‘muyenera kukhala ndi khalidwe loyera ndiponso kuchi-ta ntchito zosonyeza kuti ndinu odzipereka kwa Mulungu.’—**Werengani 2 Petulo 3:11.**

¹¹ Kuti musonyeze kuti muli ndi khalidwe loyera, nthawi zonse muyenera kupewa kuchita zoipa. Mwachitsanzo, taganizirani zimene mwachita pa miyezi 6 yapitayi. Ngati munayesedwa kuti muchite zoipa, kodi munaiganizira bwinobwino nkhanayo n’ku-zindikira zoyenera kuchita? (Aheb. 5:14) Kodi

mukukumbukira nthawi ina pamene munaka-na mayesero kapena kutengera zochita za anzau? Nanga kodi zimene mumachita kusukulu zimathandiza anthu kuti azileme-keza Yehova? Kodi mumakhala okhulupirika kwa Yehova kapena mumachita zofuna za anthu akusukulu kwanu n’cholinga choti asakunyozeni? (1 Pet. 4:3, 4) N’zoona kuti tonsefe timalakwitsa zinthu nthawi zina. Ngakhale anthu amene atumikira Mulungu kwa zaka zambiri, nthawi zina amachita mantha kulalikira kwa ena. Komabe munthu aliyense amene anadzipereka kwa Yehova ayenera kunyadira kuti ndi wa Mboni za Yehova ndipo ayenera kuyesetsa kukhala ndi khalidwe loyera.

¹² Koma kodi “ntchito zosonyeza kuti ndinu odzipereka kwa Mulungu” ndi ziti? Izi ndi zinthu monga kusonkhana komanso ku-lalikira. Palinso zinthu zina zomwe anthu ambiri sangaone monga kupemphera komanso kuphunzira Baibulo panokha. Munthu amene anadzipereka kwa Yehova ndi mtima wonse saona zinthu zimenezi ngati zotope-tsa. Koma amakhala ndi maganizo ofanana ndi a Mfumu Davide amene anati: “Ndima-kondwera ndi kuchita chifuniro chanu, inu Mulungu wanga, ndipo chilamulo chanu chili mumtima mwanga.”—Sal. 40:8.

¹³ Buku lachiwiri la *Mayankho a Zimene Achinyamata Amafunsa*, lingakuthandize-ni kuti muzichita “ntchito zosonyeza kuti ndinu odzipereka kwa Mulungu.” Patsamba 308 ndi 309 m’bukuli, pali mafunso amene mungayankhe. Mafunso ake ndi monga akuti: “Mukamapemphera, kodi mu-matchula mwachindunji zimene mukufuna? Nanga mapemphero anuwo amasonyeza kuti mumakondadi Yehova?” “Kodi mumachita zotani paphunziro lanu laumwini?” “Kodi mumalowa mu utumiki ngakhale ngati

makolo anu sanalowe?” Ndiyeno patsamba 309 palinso malo amene mungalembebo zimene mukufuna kuchita pa nkhani ya ku-pemphera, kuphunzira panokha komanso kulalikira.

¹⁴ Achinyamata ambiri amene akuganiza zobatizidwa amaona kuti zimene zili pama-sambawa n’zothandiza kwambiri. Mtsikana wina dzina lake Tilda ananena kuti: “Ndinkagwiritsa ntchito masamba amene-wa kulembapo zimene ndinkafuna kuchita. Ndiyeno pang’ono ndi pang’ono ndinakwa-niritsa zimene ndinalembazo. Patangotha chaka chimodzi, ndinali wokonzeka kubati-zidwa.” Mnyamata wina dzina lake Patrick ananenanso kuti: “Ndinkadziwa zimene ndi-nkafuna kuchita, komabe kulemba zinthuzo kunandithandiza kuchita khama kuti ndizi-kwaniritse.”

¹⁵ Patsamba 309 pali funso lina lofunika kwambiri lakuti: “Kodi mungapitirize kutumikira Yehova ngakhale makolo anu ndiponso anzau atasiya kum’tumikira?” Muyenera kukumbukira kuti munthu aliyense adzayan-kha yekha kwa Mulungu. Choncho aliyense ayenera kusankha yekha kuti adzipereke kwa iye ndiponso kubatizidwa. Sayenera ku-dalira makolo ake kapenanso anthu ena potumikira Mulungu. Mukakhala ndi khali-dwe loyera ndiponso mukamachita zinthu zosonyeza kuti ndinu wodzipereka kwa Yehova, mumasonyeza kuti mumamukonda komanso mumakonda mfundu zake. Komanso mumasonyeza kuti mukhoza ku-batizidwa pasanapite nthawi yaitali.

